



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1572 usque ad annum 1581

Fleury, Claude

August. Vind. [u.a.], 1772

VD18 90118642

§. 29. Legatus ad sedandos tumultus Genuam a Papa decretus.

[urn:nbn:de:hbz:466:1-67232](https://nbn-resolving.org/urn:nbn:de:hbz:466:1-67232)

Christi millesimo quingentesimo septua-
 gesimo quinto consentiente Gregorio
 XIII. Papa Ecclesiam de Vallicella ob-
 tinens suos discipulos in hisce ædibus
 congregabat, impetrata prius hujus
 Congregationis confirmatione, quam
 Sedes Apostolica per diploma Ponti-
 ficium die decima quinta Julii con-
 cesserat.

Sæcul. XVI.
 A. C. 1575.

§. XXIX.

*Legatus ad sedandos tumultus Ge-
 nuam a Papa decretus.*

Pariter Philippus Neri^{us} pacem con-
 ciliare nitebatur inter veteres, &
 recentiores Genuensium Nobiles, qui
 mutuis odiis, ac vexationibus inter se
 ob privata studia collidebantur, suisque
 dissensionibus universam ditionem per-
 turbabant: cum autem Philippus illos
 ad reconciliationem permovere haud
 posset, hinc Gregorius XIII. ad eos Car-
 dinalem Moronum ablegabat, cujus
 tamen conatibus ab initio haud magis
 prosper adspirabat successus, quippe
 horum animi nimium exasperati
 cuncta concordiae media recusabant,
 imo jamjam manus conferere parabant,
 altercationis flamma eo usque accensa,
 ut potissimi Europæ Principes huic causæ
 sese ingererent. Tandem cum Mo-
 ron^{us} Cardinalis rursus pacis negotium

*Victorell.
 addit. ad
 Ciac. tom. 4.
 pag. 8.
 Thuan. l. 61.
 Duchesne
 hist. des Pa-
 pes p. 434.*

S 2

urge-

Sæcul. XVI.**A.C. 1575.**

urgeret, paci proludebatur pactis quibusdam conditionibus, quarum præcipuæ erant sequentes. I. Ipsi Legati Principum, qui pacis interpretes erant, locum, quem vellent, extra Reipublicæ territorium ad conveniendum deligant. II. Viginti obsides ab utraque parte dentur, III. totidem sint delegati, qui Legatis assideant, IV. caveatur, ut intra mensem Novembrem arbitri sententiam unam, seu plures pronuntient, ita tamen, ut hoc tempus prorogari ex partium consensu possit: nihil vero interim hostile tentetur, & utrinque copiæ dimittantur: V. ad legatorum preces gratia civibus ob gravissima etiam crimina patria pulsus impetretur, computato tempore a die prima Januarii anni supra millesimum quingentesimi septuagesimi tertii usque in hodiernam diem, ab hac autem die Nobiles omnes urbes, quas nunc obtinent, etiam imposterum possideant. VI. Sumptus utrinque in bellum factos ipsi, qui eos fecerunt, luant, nec altera pars alterius oneribus gravetur. VII. Sententiæ a legatis ferendæ stare utraque partem teneatur, & si qui inter eos impedimento essent, quo minus sententiæ pareretur, eorum nomina mox utraque proderentur. Hæc pacta in Finariensibus comitiis fuere firmata: postea

Legati Casalium, quod in Monferraten-
 si principatu Guilielmi Gonzagæ Man-
 tuæ Ducis imperio obnoxium erat, ad
 præstitutum colloquium deligebant, Sæcul. XV.
A. C. 1575.
 quo & Delegati ab utraque parte
 convenerunt: dein vero dimissæ a
 Senatu Etruriæ Ducis copiæ, qui-
 bus Otho Montacutus præerat: Cor-
 fici vicissim milites, quos Baptista Spi-
 nola, & Georgius Auria habebant, Joan-
 nis Andreæ jussu dimissi sunt, Germa-
 nis duntaxat retentis, qui loca, quæ
 securitatis causa nobilibus per condi-
 tiones retinere jus erat, tuerentur: de-
 mum de obsidibus aliquamdiu alterca-
 tum est, tandem vero dati, & intra
 Mediolanensem Ducatum Alexandriæ,
 & Finarii usque ad sententiæ pronun-
 tiationem manere jussi sunt.

Hæc consultatio expectatione lon-
 gius protrahebatur; sæpe enim proro-
 gato compromissi tempore hoc nego-
 tium nonnisi anno sequenti ad exitum
 deducebatur, ubi tandem postrema ma-
 nus integræ reconciliationi admota est,
 quapropter Senatus exules revocabat,
 & vicissim arces, ac munitiones, quæ
 belli tempore occupatæ fuerant, Nobiles
 restituerunt: dein decima Martii die
 pacis articuli post sacrum celebratum
 ante majus Casalensis Urbis templum
 pegmate ad id extructo recitati sunt.

Sæcul. XVI. **A.C. 1575.** Postea hujus concordiaë leges promulgabantur, quibus alia capita de constituendo Rotæ tribunali addita sunt: peracto igitur gravi hoc negotio, Legatisque secedentibus Respublica majori tranquillitate frui cæperat, atque ad omnes Principes, quorum operæ publicam ditionis suæ quietem in acceptis referebat, quosdam ablegabat Deputatos, qui pro utili eorum officio grates rependerent: hinc missus erat Lucas Fornarius ad Papam, qui plus ceteris ad restaurandam pacem conferebat, ad Cæsarem vero ablegabatur Nicolaus Spinola, & Joannes Baptista Lascarus ad Philippum II. qui cum eo pariter de revocatis pensionibus ageret, eoquod earum suppressione non modo Genuensium, sed etiam aliarum plurimum Italiae urbium, atque adeo sparsim in tota ferme Europa Institorum rationes adeo turbabantur, ut plura commercia penitus interirent.

§. XXX.

Henrici III. Franciæ Regis inauguratio, atque connubium.

Thuan. 1.60. Mezeraj abrege chron t 5. pag. 223. Mem. pour Postea Henricus III. Franciæ Rex novum Regnum, quod ei obtigerat, possidere unice intentus sub idem ferme tempus Lugduno Rhemos contendit, ubi etiam die decima tertia Februarii